

## CONCELLO DE PONTEDEUME (A CORUÑA)

Descrición decreto: EXPEDIENTE DE CONCESIÓN SUBVENCIÓN NOMINATIVA 2017 AV OLMO

EXPEDIENTE Nº 2017/G003/000946

**DON BERNARDO FERNANDEZ PIÑEIRO ALCALDE-PRESIDENTE DO CONCELLO DE PONTEDEUME (A CORUÑA).**

Visto o expediente número **2017/G003/000946** tramitado de cara á outorgar a subvención nominativa prevista nas bases de execución do orzamento do exercicio 2017.

Visto o previsto nas bases de execución do orzamento aprobado para o exercicio 2017 e na ordenanza xeral de subvencións do concello de Ponte deume en relación coas subvencións nominativas.

Tendo en conta a execución orzamentaria ao longo do ano e a data na que estamos, a imposibilidade da fiscalización previa por parte da Intervención Municipal e á vista do resto de informes da mesma respecto as demais subvencións nominativas informadas de xeito favorable con observacións.

Sendo necesario autorizar o gasto e iniciar o procedemento de concesión da dita subvención nominativa mediante a sinatura do convenio polo importe que se indica e imputable á aplicación orzamentaria sinalada no cadro seguinte:

Aplicación orzamentaria	Beneficiario	Importe
334.48000	ASOCIACIÓN DE VECIÑOS "UNIDADE VECIÑAL OLMO"	1.500,00 €.

Sendo que para a plena efectividade do presente convenio, deberá achegarse a seguinte documentación (que xa consta presentada por rexistro de entrada do Concello número XXXXXX):

- Acreditación da personalidade do beneficiario mediante a presentación da fotocopia cotexada do CIF da entidade.
- Acreditación da personalidade do seu representante mediante a presentación da fotocopia cotexada do DNI da persoa que vai subscribir este convenio.
- Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.
- Declaración xurada de se foron solicitadas ou non outras subvencións para a mesma finalidade, procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.
- Acreditación de que a entidade está ao corrente das súas obrigas tributarias en xeral (estado e comunidade autónoma), e en concreto, co Concello de Ponte deume, e coa Seguridade Social, e non ser debedor por resolución de procedencia de reintegro de subvención.



f) Declaración responsable de non estar incurso a entidade en ningunha das causas que determina o art. 13.2 da Lei 38/2003 xeral de subvencións.

g) Certificación dos datos bancarios da entidade.

No caso de que algunha da antedita documentación obrase en poder do concello, exímese da súa presentación.

Por falta de tempo se omite o tramite de fiscalización previa.

Considerando a atribución concedida a esta Alcaldía segundo o establecido no artigo 21.1. da Lei 7/85, do 2 de abril, de Bases de Réxime Local, **RESOLVO:**

**PRIMEIRO.**- Avocar para este caso concreto, de conformidade co artigo 10 da Lei 40/2015, do 1 de outubro, reguladora do réxime xurídico do sector público, as atribucións de Alcaldía delegadas na Xunta de Goberno Local segundo o sinalado na base 71 das de execución do orzamento de 2017, debido á necesidade de resolver o expediente coa maior celeridade, tendo en conta a data actual e a necesidade de realizar o peche contable, co fin de non perxudicar economicamente ao beneficiario, e estando pendente de outorgar a subvención nominativa correspondente ao exercicio 2017, o que determina o cumprimento de razóns de índole económica esixidas para motivar o instituto da avocación segundo o establecido no artigo 10 indicado.

**SEGUNDO.**- Aprobar o gasto e conceder a subvención nominativa de acordo co modelo de convenio que se indica a continuación, por importe de 1.500,00 €. , a favor da *ASOCIACIÓN DE VECIÑOS "UNIDADE VECIÑAL OLMO"*.

*"CONVENIO DE COLABORACIÓN ENTRE O CONCELLO DE PONTEDEUME E A ENTIDADE ASOCIACIÓN DE VECIÑOS "UNIDADE VECIÑAL OLMO" PARA O FINANCIAMENTO DE ACTIVIDADES DURANTE O ANO 2017"*

*Pontedeume,*

#### **REUNIDOS**

*Dunha parte, don Bernardo Fernández Piñeiro, DNI nº 32 705 210 - S, Alcalde do Concello de Pontedeume, en nome e representación do concello.*

*Doutra parte, don José F. Salceda Gómez, DNI nº 32 614 540 - B, en representación da entidade Asociación de Veciños "Unidade Veciñal Olmo" CIF: G 15072549.*

*Tendo en conta o acordo..... ao abeiro do previsto na base 70 de execución do orzamento do exercicio 2017 do Concello de Pontedeume, polo que se lle concede unha subvención con cargo á aplicación orzamentaria 334.48000 por un importe de 1.500,00 €.*

*Tendo en conta o artigo 2.1 da Lei 38/2003, do 17 de novembro, xeral de subvencións, e o artigo 2 da Ordenanza xeral de subvencións do Concello de Pontedeume; segundo os cales serán subvencións as disposicións diñeirarias realizadas polo Concello suxeitas ó cumprimento dun determinado obxectivo, á execución dun proxecto, á realización dunha actividade ou a adopción dun comportamento singular; debendo cumprir os beneficiarios coas obrigas materiais e formais que se establecen; tendo por obxecto estas condutas o fomento dunha actividade de utilidade pública, interese social ou promoción dunha finalidade pública de interese local*

## CONCELLO DE PONTEDEUME (A CORUÑA)

Co fin de dar cumprimento ó previsto no artigo 22 da Ordenanza xeral de subvencións do Concello de Ponte deume, que establece que os convenios serán o instrumento habitual para canalizar as subvencións previstas nominativamente nos orzamentos, e co obxecto de fomentar e promocionar as festas patronais e para colaborar nas actividades que neste senso se organicen no Concello de Ponte deume,

As partes, segundo interveñen recoñécense reciprocamente capacidade legal necesaria, e

### EXPOÑEN

#### Primeiro.-

Que a Lei 38/2003 de 17 de novembro, Xeral de Subvencións establece no seu artigo 28 o procedemento de concesión directa de subvencións e que a subvención que se tramita non pode ser obxecto de publicidade e concorrencia ao tratarse de actividades concretas realizadas por unha única entidade.

Que o Concello de Ponte deume, de acordo co previsto na Lei 38/2003, do 17 de novembro, xeral de subvencións, na Lei 9/2007, do 13 de xuño, de subvencións de Galicia e na Ordenanza xeral de subvencións do Concello de Ponte deume (BOP nº 142-21/06/2008), pode conceder de forma directa as subvencións previstas nominativamente no orzamento xeral municipal.

#### Segundo.-

Que a actividades presenta un claro interese público, social e económico e cultural porque as actividades que se desenvolven a promocionar a cultura o deporte e a combivenacia Veciñal.

As actividades para as que solicita esta axuda son: No mes de marzo, o Entroido cá celebración dun baile infantil de disfraces con piñatae agasallos para os nenos, actuación musical e cea bailede disfraces. No mes de maio Letras Galegas. No mes de xuño, a Festa de San Pedro, patrón da parroquia de Vilar, con sardiñada popular gratuita. No mes de novembro, a celebración do Samaín con actuacións musicais e degustación de castañas e liscos, concurso de cabazas e premios para ós/as participantes. De xaneiro a xuño actividades deportivas adicadas as mulleres e homes, con clases de pilats e aeróbic durante cinco días a semana. Na campaña de inverno ata xuño, desenvólvense cursos como: Iniciación o mundo dos fungos e cogumelos.

Esta Asociación non solicitou ningún tipo de subvención nin pública, nin privada para estas actividades.

#### Terceiro.-

Que nin o presidente nin a asociación, nin ningún dos seus administradores ou representantes, se atopan incurso en suposto ningún aos que se refire o artigo 13.2 da Lei 38/2003 que imposibilitan a obtención da condición de beneficiario, estando a persoa xurídica representada ao corrente do cumprimento das súas obrigas tributarias e coa Seguridade Social, coa Comunidade Autónoma e co Concello de Ponte deume impostas polas disposicións vixentes no momento de sinatura deste Convenio.

#### Cuarto.-

Que no orzamento do exercicio 2017 do Concello de Ponte deume existe crédito axeitado e suficiente con cargo á aplicación orzamentaria 334.48000 para facer fronte a este convenio, por importe de 1.500,00 €, segundo o acordo adoptado en tal sentido pola Asociación de Veciños "Unidade Veciñal Olmo", sendo a súa finalidade as referenciadas no punto dous de este convenio.



## **Quinto.-**

Que a entidade Asociación de Veciños "Unidade Veciñal Olmo" non ten asinado ningún outro convenio nin recibe subvención ningunha ou outros ingresos de calquera outra administración pública ou entes públicos ou privados para o mesmo fin. No caso de variar esta circunstancia, comprométese a informar ao Concello de Pontedeume desta situación e a que o importe total das subvencións/achegas concedidas/precibidas non exceda o 100% do custo total das actuacións subvencionables.

Con base no exposto anteriormente, o Concello de Pontedeume e a entidade Asociación de Veciños "Unidade Veciñal Olmo" asinan o presente convenio de colaboración, con base ás seguintes

## **CLÁUSULAS**

### **PRIMEIRA.- OBXECTO**

O presente convenio ten por obxecto colaborar coa entidade Asociación de Veciños "Unidade Veciñal Olmo" na súa actividade como promotora e organizadora das actividades enumeradas no punto dous de este convenio.

A axuda que a entidade Asociación de Veciños "Unidade Veciñal Olmo" recibe por parte do Concello está destinada a desenvolver as actividades enumeradas no punto dous.

O beneficiario comprométese a destinar a devandita subvención á realización da actividade fixada, cumprindo o obxectivo sinalado nos parágrafos precedentes.

### **SEGUNDA. PERÍODO DE VIXENCIA DO CONVENIO**

O período de vixencia do presente convenio abrangue dende o 01/01/2017 ata o 31/12/2017 tendo o convenio carácter retroactivo polo que pódense aportar como xustificantes de gasto os realizados dende o 1 de xaneiro de 2017.

### **TERCEIRA. CRÉDITO ORZAMENTARIO**

O Concello de Pontedeume comprométese a destinar a cantidade máxima de 1.500,00 € no orzamento do ano 2017

### **CUARTA. GASTOS SUBVENCIONABLES**

Serán subvencionables os gastos derivados do desenvolvemento da antedita actividade, ata un máximo de 1.500,00 €, que se realicen dende o 01/01/2017 ata o **20/12/2017**, tendo en conta os conceptos subvencionados e a estimación de gastos e ingresos indicados.

Con carácter xeral non se admitirán como xustificantes facturas de bebidas alcohólicas, tabaco ou calquera outro produto considerado lesivo para a saúde. En ningún caso se admitirán como xustificante de gastos as cantidades satisfeitas ao concello polo uso das súas instalacións municipais ou calquera outro imposto o taxa.

Terá a consideración de gasto realizado o que foi efectivamente pagado con anterioridade á finalización do período de xustificación.

O orzamento subvencionado a xustificar será o importe total da subvención concedida (1.500,00 €). En caso de obterse outras subvencións, o orzamento a xustificar será a suma das contías subvencionadas.

## CONCELLO DE PONTEDEUME (A CORUÑA)

*Estabélcese a compatibilidade con outras subvencións ou axudas doutras administracións ou entes públicos ou privados, que poida percibir o beneficiario. Non obstante, o importe da subvención concedida, en ningún caso, poderá ser de tal contía que, en concorrencia con subvencións ou axudas doutras administracións ou entes públicos ou privados supere o custo da actividade a desenvolver polo beneficiario.*

### **QUINTA. CONTRATACIÓN .**

*Corresponderalle entidade Asociación de Veciños "Unidade Veciñal Olmo" a contratación dos servizos a asistencias así como calquera outro gasto que orixinen as actividades obxecto deste convenio.*

*No procedemento de contratación, a entidade Asociación de Veciños "Unidade Veciñal Olmo" debe axustarse o estipulado no artigo 31.3 da Lei 38/2003, de 17 de novembro, Xeral de Subvencións.*

*(31.3. Cuando el importe del gasto subvencionable supere las cuantías establecidas en la Ley 30/2007, de 30 de octubre, de Contratos del Sector público para el contrato menor, el beneficiario deberá solicitar como mínimo tres ofertas de diferentes proveedores, con carácter previo a la contratación del compromiso para la obra, la prestación del servicio o la entrega del bien, salvo que por sus especiales características no exista en el mercado suficiente número de entidades que los realicen, presten o suministren, o salvo que el gasto se hubiere realizado con anterioridad a la subvención.*

*La elección entre las ofertas presentadas, que deberán aportarse en la justificación, o, en su caso, en la solicitud de subvención, se realizará conforme a criterios de eficiencia y economía, debiendo justificarse expresamente en una memoria la elección cuando no recaiga en la propuesta económica más ventajosa)*

### **SEXTA. DOCUMENTACIÓN**

*Para a plena efectividade deste convenio, deberá achegarse a seguinte documentación:*

*a) Acreditación da personalidade do beneficiario (CIF da entidade).*

*b) Acreditación da personalidade do seu representante (DNI da persoa que vai subscribir este convenio).*

*c) Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento. Calendario de fechas de realización.*

*d) Declaración xurada de se foron solicitadas ou non outras subvencións para a mesma finalidade, procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.*

*e) Acreditación de que a entidade está ao corrente das súas obrigas tributarias en xeral (estado e comunidade autónoma), e en concreto, co Concello de Ponte deume, e coa Seguridade Social, e non ser debedor por resolución de procedencia de reintegro de subvención.*

*f) Declaración responsable de non estar incurso a entidade en ningunha das causas que determina o art. 13.2 da Lei 38/2003 xeral de subvencións.\**

*g) Certificación dos datos bancarios da entidade.*



No caso de que algunha da antedita documentación obrase en poder do concello, exímese da súa presentación.

*\*13.2. No podrán obtener la condición de beneficiario o entidad colaboradora de las subvenciones reguladas en esta ley las personas o entidades en quienes concurra alguna de las circunstancias siguientes, salvo que por la naturaleza de la subvención se exceptúe por su normativa reguladora:*

*a) Haber sido condenadas mediante sentencia firme a la pena de pérdida de la posibilidad de obtener subvenciones o ayudas públicas o por delitos de prevaricación, cohecho, malversación de caudales públicos, tráfico de influencias, fraudes y exacciones ilegales o delitos urbanísticos.*

*b) Haber solicitado la declaración de concurso voluntario, haber sido declarados insolventes en cualquier procedimiento, hallarse declarados en concurso, salvo que en éste haya adquirido la eficacia un convenio, estar sujetos a intervención judicial o haber sido inhabilitados conforme a la Ley 22/2003, de 9 de julio, Concursal, sin que haya concluido el período de inhabilitación fijado en la sentencia de calificación del concurso.*

*c) Haber dado lugar, por causa de la que hubiesen sido declarados culpables, a la resolución firme de cualquier contrato celebrado con la Administración.*

*d) Estar incurso la persona física, los administradores de las sociedades mercantiles o aquellos que ostenten la representación legal de otras personas jurídicas, en alguno de los supuestos de la Ley 3/2015, de 30 de marzo, reguladora del ejercicio del alto cargo de la Administración General del Estado, de la Ley 53/1984, de 26 de diciembre, de incompatibilidades del Personal al Servicio de las Administraciones Públicas, o tratarse de cualquiera de los cargos electivos regulados en la Ley Orgánica 5/1985, de 19 de junio, del Régimen Electoral General, en los términos establecidos en la misma o en la normativa autonómica que regule estas materias.*

*e) No hallarse al corriente en el cumplimiento de las obligaciones tributarias o frente a la Seguridad Social impuestas por las disposiciones vigentes, en la forma que se determine reglamentariamente.*

*f) Tener la residencia fiscal en un país o territorio calificado reglamentariamente como paraíso fiscal.*

*g) No hallarse al corriente de pago de obligaciones por reintegro de subvenciones en los términos que reglamentariamente se determinen.*

*h) Haber sido sancionado mediante resolución firme con la pérdida de la posibilidad de obtener subvenciones conforme a ésta u otras leyes que así lo establezcan.*

*i) No podrán acceder a la condición de beneficiarios las agrupaciones previstas en el artículo 11.3, párrafo segundo cuando concurra alguna de las prohibiciones anteriores en cualquiera de sus miembros.*

*j) Las prohibiciones de obtener subvenciones afectarán también a aquellas empresas de las que, por razón de las personas que las rigen o de otras circunstancias, pueda presumirse que son continuación o que derivan, por transformación, fusión o sucesión, de otras empresas en las que hubiesen concurrido aquéllas.*

## **SÉTIMA. OBRIGAS DO BENEFICIARIO**

*Son obrigas do beneficiario:*

*a) Levar a cabo a totalidade das actividades que se establecen no proxecto presentado ao efecto da obtención desta subvención.*

*b) Lucir o logotipo do Concello de Pontedeume en todas as actuacións que se desenvolvan ao abeiro deste convenio.*

## CONCELLO DE PONTEDEUME (A CORUÑA)

c) *Cumprir coas obrigas que se establecen no artigo 6 da Ordenanza xeral de subvencións do Concello de Ponte deume.*

### OITAVA. XUSTIFICACIÓN E PAGAMENTO

A achega do Concello de Ponte deume será abonada á entidade Asociación de Veciños "Unidade Veciñal Olmo" mediante transferencia bancaria ao número de conta ES29 2080 0201 9830 0008 0043 do seguinte xeito:

*Primeiro prazo, por importe máximo do 90% da subvención, con carácter de anticipo prepagable a xustificar que se aboará no prazo máximo de 10 días dende a sinatura do presente convenio.*

*Segundo prazo, por importe de 10% restante da subvención ou, no seu caso, a cantidade pendente de pago, segundo o importe dos gastos xustificadas, **logo da presentación da seguinte documentación:***

a) *Memoria explicativa e detallada do cumprimento das condicións impostas na concesión da subvención especificando as actividades que se realizaron, con expresa mención dos resultados obtidos, incluíndo unha relación dos gastos ocasionados polas actividades que se realizaron e dos ingresos que se obtiveron para as ditas actividades.*

b) *Acreditación gráfica do cumprimento de facer constar a colaboración do Concello de Ponte deume en toda a información que se faga das actividades subvencionadas (folletos, carteis, libros, videos, CD's, etc). Isto é, dar adecuado publicidade do financiamento polo Concello das actuacións que son obxecto de subvención, debendo facer constar a colaboración do Concello en toda a información (impresa, informática ou audiovisual) que se faga das actividades subvencionadas.*

c) *Declaración xurada que acredite o cumprimento da finalidade da subvención mediante a realización das actividades para as que se concedeu a subvención.*

d) *Unha relación detallada de outros ingresos ou subvencións que financiaran a actividade subvencionada con indicación do seu importe e a súa procedencia ou, pola contra, declaración de non ter outras subvencións públicas ou privadas para o mesmo obxecto. Neste caso expedirase declaración xurada que acredite que non se obtivo ningunha outra subvención ou axuda para a mesma finalidade.*

e) *Memoria económica xustificativa do custo das actividades realizadas, que conterá:*

*- Unha relación clasificada de todos os gastos da actividade, con identificación do acredor e dos documentos, o seu importe, data de emisión e data do pagamento.*

*As facturas deberán cumprir os requisitos do Real decreto 1619/2012, do 30 de novembro, polo que se aproba o Regulamento polo que se regulan as obrigas de facturación. En particular, deberán especificar, como mínimo, os seguintes requisitos:*

*- Nome, razón social e NIF ou CIF de quen emite a factura.*



- Nome, enderezo e CIF do beneficiario da subvención, debendo estar estendidos ao nome da entidade.

- Número de factura e data de emisión.

- Importe total. Se figuran varios artigos é necesario que se detallen e se describan os conceptos detallados. Descrición do servizo prestado.

- Detalle do IVE ou imposto correspondente; no caso de exención deberá facerse constar expresamente na factura.

f) Certificados de que a entidade está ao corrente das súas obrigas tributarias en xeral (estado e comunidade autónoma), e en concreto, co Concello de Pontedeume, e coa Seguridade Social, e non ser debedor por resolución de procedencia de reintegro de subvención.

Unha vez realizada a actividade subvencionada, o beneficiario deberá presentar a conta xustificativa como máximo o **29/12/2017**.

O pagamento final da subvención realizarase logo da xustificación da realización da actividade, nos termos previstos nas cláusulas anteriores. Producirase a perda do dereito ao cobro total ou parcial da subvención no suposto de falta de xustificación ou de concorrencia dalgunha das causas previstas no artigo 37 da Lei 38/2003.

O importe dos gastos xustificativos deberá ser, como mínimo, o importe da cantidade asignada neste convenio. En caso de non xustificar o importe total verase reducido proporcionalmente o importe a percibir.

Co fin de garantir un axeitado control da aplicación dos fondos, os pagamentos que realice a entidade Asociación de Veciños "Unidade Veciñal Olmo" deberán quedar acreditados documentalmente mediante a **utilización de transferencia bancaria**, que deixe constancia da data de pago e da identidade do perceptor. Non obstante permitirase xustificación de pagamentos en efectivo **sempre que o seu importe non supere os 150 euros**, que deberá xustificarse ademais de coa lenda de "pagado" na factura cunha **declaración xurada do tesoureiro da entidade, onde quede constancia das facturas que se pagaron en efectivo e das datas do seu pagamento**.

De non presentar a xustificación no prazo establecido, ou non desistir de forma motivada e por escrito no dito prazo, incoarase expediente de anulación do correspondente compromiso que conlevará a perda do dereito de cobro da subvención.

Este prazo entenderase sen prexuízo do prazo de dez días, que se concederá no caso de presentación de documentación incompleta ou defectuosa para a súa rectificación.

Mediante acordo de órgano competente acreditarase o cumprimento da finalidade, que constitúe o obxecto deste convenio, procedéndose á aprobación da conta xustificativa presentada polo beneficiario, e ordenándose o pagamento. Todo isto, sempre e cando a documentación xustificativa fose a correcta.

O pagamento da subvención efectuarase mediante o ingreso na conta bancaria sinalada para o efecto polo beneficiario.

A axuda serán destinadas unicamente a financiación das actividades segundo o sinalado no punto dous deste convenio.

O Concello de Pontedeume non asumirá, directa ou indirectamente, ningunha outra cantidade relativa ás actuacións subvencionadas que exceda da estipulada neste convenio de colaboración.

## **NOVENA. MODIFICACIÓN**

## CONCELLO DE PONTEDEUME (A CORUÑA)

Toda alteración das condicións que se tiveran en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou estranxeiros, poderá dar lugar á modificación da contía da axuda que se contempla no presente convenio.

### DÉCIMA. CAUSAS DE RESOLUCIÓN

Serán causas de resolución deste convenio:

- O incumprimento de calquera das cláusulas establecidas neste convenio.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das contías recibidas.

### DECIMO PRIMEIRA. COMISIÓN SEGUIMENTO

Constitúese unha comisión mixta de seguimento, control e avaliación á que serán sometidas todas as cuestións derivadas do desenvolvemento deste convenio, así como a resolución de cantas dúbidas poidan xurdir sobre o dito convenio. Esta comisión estará composta en representación do Concello de Ponte deume pola concelleiro/a delegado/a da área de cultura quen poderá delegar no funcionario dese área que estime oportuno, e pola outra parte o representante legal da entidade ou persoa na que delegue.

A comisión terá as seguintes funcións:

1. Facer o seguimento e control do cumprimento do convenio.
2. Interpretar e resolver as dúbidas, que se puideran suscitar na aplicación do convenio.

### DECIMO SEGUNDA. CONTROL FINANCEIRO, REINTEGRO DA SUBVENCIÓN E SANCIÓN

Consonte ao disposto nos artigos 44 e seguintes da Lei 38/2003, do 17 de novembro, xeral de subvencións, artigos 41 e seguintes da Lei 9/2007, do 13 de xuño, de subvencións de Galicia e artigos 29 e seguintes da Ordenanza xeral de subvencións do Concello de Ponte deume, a entidade beneficiaria poderá ser obxecto dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón este convenio de colaboración.

A Asociación deberá someterse, cando así se lle requira, ás actuacións de comprobación e control financeiro por parte da Intervención xeral do Concello.



*Tamén quedará a dita asociación obrigada a conservar os documentos xustificativos dos fondos percibidos, así como a documentación contable que lle sexa esixida na súa lexislación aplicable, co fin de facilitar as actuacións de comprobación e control*

*No que respecta ao reintegro de subvencións e imposición das correspondentes sancións estarase ao disposto nos artigos 24 e seguintes, 33 e 34 da Ordenanza xeral de subvencións do Concello de Pontedeume.*

#### **DECIMO TERCEIRA. NATUREZA**

*Este convenio ten natureza administrativa, as resolucións que se adopten porán fin á vía administrativa, polo tanto, contra elas só cabe recurso ante a xurisdición contencioso administrativa.*

#### **DECIMO CUARTA. INTERPRETACIÓN**

*Para a resolución de calquera dúbida ou incidencia que poida xurdir durante a execución do obxecto do convenio, aplicarase supletoriamente a Lei 38/2003, xeral de subvencións, o Real Decreto 887/2006, do 21 de xullo, polo que se aproba o regulamento da Lei 38/2003 xeral de subvencións, a Lei 9/2007, do 13 de xuño, de subvencións de Galicia, a Ordenanza Xeral de subvencións do Concello de Pontedeume, e as Bases de execución do orzamento do ano 2017.*

*En proba da súa conformidade asinan este convenio por triplicado exemplar, no lugar e data sinalados no encabezamento.*

**TERCEIRO.-** Que se notifique o presente acordo á entidade beneficiaria co fin de asinar o correspondente convenio.

**CUARTO.-** Dar traslado deste acordo á Intervención para o asentamento na contabilidade municipal das operacións contables que procedan.

**QUINTO.-** Dar conta deste acordo na seguinte sesión ordinaria da Xunta de Goberno Local que se celebre debido á competencia delegada atribuída a dito órgano.

**SEXTO.-** Dar conta ao Pleno da corporación na seguinte sesión que se celebre en cumprimento do establecido no artigo 42 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

En Pontedeume, asinado dixitalmente na data que figura na marxe polo Sr. Alcalde D. Bernardo Fernández Piñeiro, do que eu, D. Alberto Pensado Seijas, como Secretario Accidental, dou fe. (Asinado aos efectos do artigo 2 do RD 1174/1987).